

Un pia un pia na bo Operashon

Pronto bo ta keda atmití na un di e Departamentonan di nos Hospital, kaminda bo ta bai hasi un operashon. Den konsulta ku bo spesialisista bo a disidí pa laga nan atmitibo. Si bo ta bon informá tokante e proseso ront di bo operashon bo ta sintibo mas trankil i bo estadia lo kana mas mihó

Atmishon pa un operashon por tuma lugá na e Departamentu di Pasadia(Un atmishon di un dia ora tin di hasi intervenshon chikí) òf na un Departamentu regular ora trata un operashon mas ekstenso i mester keda hospital algun dia.

Bishita na e Departamentu di Poli Anestesia

Promé ku un operashon mester akudí na e Departamentu *Preoperatieve Poli Anesthesie*, kaminda lo bo keda saminá pa un anestesista di Hospital. E anestesista a base di e saminashon ta disidí si e operashon planeá por sigui. Ta nesario pa traha un sita pa e konsulta

Durante di e konsulta e anestesista ta deliberá ku bo riba bo historia médiko a base di un lista di pregunta médiko .Bo ta keda mandá pa e Departamentu di Radiologia pa bo saka un potrèt di toraks si tin mester, pa e 'Prikentrum' di Laboratorio pa tèst sanger i urina i si tin mester un ECG (test di kurason). Asina e anestesista ta haña un idea kiko e tin di tene kuenta kuné durante di e operashon.

Preparashon pa bo Operashon

► No pone uña falsu òf si tin uña falsu mester laga kita nan. Esei ta konta pa tur tipo di uña falsu(hars, gel, acryl i esun ku ta plak) Kita tur rushi for di uña. Na bo uña por kontrolá e sirkulashon di bo sanger.

► No ta permiti drenta sala operashon ku prenda. Laga kita renchi, prenda, piercing ku bo mes no por kita na un joyería. Hinchamentu di bo dede por sosode. Si bo tin renchi na dede e por bai perta i tin influensha pa bo sirkulashon. Sushi bou di prenda ta un fuente di bakteria.

► No pone gancho den kabei. Tampoko no pone kabei falsu, flèktu falsu. No hinka den bo kabei produkto di metal. Kosnan di metal i kabei manera di nylon, por okashoná durante di e operashon leshon.

► Ta rekomendá bishitá un dentista pa un kontrol di bo dentadura promé ku bo operashon.

No drenta Hospital ku artikulo of papelnan di balor òf suma grandi di plaka. Hospital no por warda bo kos di balor pa bo. Hospital no ta responsabel pa pèrdida, ladronisia òf daño !

Kon preparashon pa e operashon ta sosodé.

Un dia promé ku operashon den hospital lo hasi e preparashon nesario pa bo operashon.

► Lo bo haña kada biaha ménos kuminda.

Kumindanan líkido por ehempel papa. Esaki ta dependé di e tipo di operashon.

► Un enfermera lo tuma si tin mester sanger di bo persona. Esaki ta pa pidi sanger i hasi sierto tèst adishonal dependé di e tipo di operashon.

► Riba kabei por tin bakteria ku por infektá e herida di operashon. Pa evitá esaki, e área di operashon lo keda feítá.

► Despues di 22.00'or di ancohi no por kome ni bebe nada mas. Ku otro palabra mester keda na yuna.

► Dia promé ku operashon por duna un laksante pa limpia e tripa. Esaki ta depende di e tipo di operashon.

► Promé ku operashon ta deseabel ku un persona drumi bon, ta p'esei por puntra pa un "slaaptablet" si bo no por drumi bon.

► Pa sierto operashon ta nesario pa despues di e operashon pone atenshon riba e halamentu di rosea. Den un kaso asina un fisioterapista por pasa serka bo, pa praktiká sierto tipo di ehersisio sio di hala rosea promé ku bo operashon. E fisioterapista ta guia bo despues di e operashon ku e ehersisio di hala rosea.

Si bo ta usa un aparato di CPAP na kas, bini kuné tambe na Hospital.

Preparashon riba dia di operashon

► Dependiendo di e operashon bo por haña un catheter pa evitá preshon riba bo blas.

► E por ta posibel ku ta pone un liña pa e infus.

► Prótesis: Tambe mester kita plancha i tur tipo di prótesis promé ku bai Sala di Operashon.

Esaki ta pa evitá gulimentu di elementonan di djente, daño òf pèrdèmentu di un prótesis. Tambe si bo tin lèns esaki tambe tin di keda kitá promé bo bai Sala di Operashon

► mester kita tur prenda.

► Por dunabo un kalmante promá ku bo bai sala di operashon

Na yuna ta nifiká:

No kome nada, No bebe nada, i No huma!
Ni kome bals, ni bebe un kòpi di te òf un boka di awa. Esaki te evitá sakamentu durante òf despues di operashon. Pa motibu di narcose bo spirnan ta bira mas slap esaki por tin komo konsekuensia ku saká por drenta den pulmon. Si bo a kome òf bebe promé ku operashon esaki ta keda kanselá. Tambe bo no tin mag di huma; esaki ta pone ku e atmishon di oksígeno den bo sanger ta drecha.

Sala di Operashon ta traha segun un programa di operashon. Esaki ta partishon di tur operashon ku ta planeá pa tuma lugá e dia ei, partí segun e diferente salanan di operashon. Por resultá ku mester hasi un operashon di urgensia. Esaki por okashoná un tardansa den e programa regular di dia. Si esaki ta e kaso bo ta keda informá.

Ora di Operashon

Teniendo kuenta ku e programa di Operashon e pashènt ta keda informá ki ora mas òf ménos e operashon lo tuma lugá.
Esaki ta un balotashon di tempu. Promé ku bo keda hibá na e Sala di Operashon bo ta haña un kamisa di operashon pa bisti.
E enfermeronan di e departamentu kaminda bo ta atmití ta hibabo Sala di Operashon.

Na yegada di Sala di Operashon

Bo ta keda risibí pa un team di Sala di Operashon. E empleadonan lo puntrabu pregunta pa kontrolá ku e informashon riba e lista ta klòp. Esaki ta sosodé den '*Vorbereidingskamer*'. Bo ta warda bo turno promé bo bai e Sala di Operashon.
Por sosode ku ta hibabo '*Recovery room*' kaminda e anestesista ta hasi e preparashonnan pa e anestesia.

Anestesia

Tin diferente forma di anestesia: anestesia general òf anestesia regional òf un kombinashon di esaki. Riba nos website tin informashon tokante di anestesia.

Durante Operashon.

Ora ta bo turno ta hibabo e sala di operashon, kaminda bo ta keda trasladá riba e mesa di operashon. Lo pega algun elektrodén (= waya ku ta konektá na un monitor) na sierto parti di bo kurpa. Ku esaki bo ritmo di kurason ta keda registrá i bo preshon ta keda midí. Un klèm ta keda poné na bo dede. Esaki ta pa midi i kontrolá e oksígeno den bo

sanger. Na bo uñanan e anestesista por kontrolá bo sirkulashon di sanger.

Durante operashon bo preshon, halamentu di rosea, pòls i sirkulashon di sanger ta keda kontrolá kontinuamente dor di e anestesista.

Despues di e operashon e anestesia ta keda baha poulatinamente, poko poko bo ta bin bei i bo ta tende bo nòmber keda yama djaleu.

Despues di Operashon

Despues di e operashon bo ta keda hibá na Recovery ('*uitslaapkamer*'). Ora bo lanta bon i bo kondishon general ta stabil e anestesista ta duna pèrmit ku bo por bai bo departamentu bèk. E enfermeronan di bo departamentu ta bin buskabo i trese bo bèk na bo kamber na e departamentu di Kuido.

Atmishon na Departamentu di Pasadia

Pa motibu ku e anestesia ta traha diferente serka kada hende e operashon por dura mas largu ku planeá. Tin biaha e spesialisista ta haña ku ta mihó e pashènt keda un anochi mas den hospital pa opservashon. Abo i bo famia ta keda informá, pasombra e ora ei bo mester keda trasladá pa un departamentu di kuido regular.

Departamentu di Pasadia ta sera 17.00'or di atardi.

Tin algun operashon ku ta hasiele nesesario pa hibabo departamentu di Kuido Intensivo pa opservashon/kuido intensivo. Esaki por a keda anunsiá delantá òf a base di sirkunstansia ku por a surgi durante e operashon. Ke men no ta tur ora nos sa esaki delantá.

Si tur kos a bai bon, ta stimulabo e dianan despues di operashon pa move i asina stimulá bo sirkulashon di sanger i evitá komplikashon.

Retiro

E spesialisista ta disidí ki dia bo por bai kas. Un dia promé ku retiro e enfermeronan ta deliberá ku bo e lokual mester keda reglá na kas, si tin mester. E dia di retiro bo ta haña bo karta di retiro i si mester un resèpt pa remedi òf artefakto di yudansa.

E ora di retiro ta entre 8.00 or i 10.00 or di mainta .